



UNIVERSITÄTS-  
BIBLIOTHEK  
PADERBORN

**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

4 Quid obedie[n]tia, & quæna[m] eius fu[n]ctioness.

---

[urn:nbn:de:hbz:466:1-72459](https://nbn-resolving.de/urn:nbn:de:hbz:466:1-72459)

Quod attinet ad cultum, qui defertur ob beatitudinem vel sanctitatem, hic omnino referendus est ad habitum à virtute religionis distinctum. vide supra cap. 36. dub. 3.

## D Y B I T A T I O IV.

## Quid obedientia, &amp; quenam eius functiones.

D. Thomas q. 104.

**22** **N**otandum est, obedientiam dici quasi obediētiā, quod vox & praeceptum Superioris audiatur & admittatur: Graci iurorū dicunt, quasi subauditionem accipitur autem hoc nomen tuni  
*Materialis pro obedientia formalis, tum pro materiali. Materialis obedientia est omne opus virtutis, quo impletur praeceptum, etiam si non ea intentione expressum fiat. Satis enim est illa intentione fieri poruisse; quæ intentio si ad esset, illi formalem obedientię rationem superadderet.* Hæc obedientia non est specialis virtus, sed omnes virtutes complectitur, quæ aliquem actum cadentem sub præceptum habent.

*Formalis.* **F**ormalis obedientia est, quæ idèo expresse aliquid facit, quia præceptum est. hæc est virtus specialis; quia etsi ad omnis virtutis materiam se extendat, tamen sub speciali ratione honesti id facit, videlicet quatenus opus eius debitum est ratione præcepti.

**23** Itaque obiectum quod huius virtutis, est omne opus præceptum. ad hoc enim volendum & faciendum haec virtus per se & directè inclinat. *Obiectum cui, Superior;* huic enim dicimur obediere. Vnde qui non habet nullum Superiorum cui possit obediere, is non habet obedientiam. quamobrem haec virtus non conuenit Christo secundum naturam diuinam, eò quod Superiorum non habeat: quamus secundum naturam assumptam, quæ Superiorum habet, ei perfectissimè competit. *Ratio obiectua in obiecto quod,* est debitum auctoritati Superioris ratione præcepti. obedientia enim vult & facit opus præceptum, quia ratione præcepti cepit certo modo esse debitum; non quidem ita, qualis in commodum vel honorem Superioris faciendum sit, sicut opus religionis; (plerumque enim in eo spectatur commodum inferioris) sed quia ratione præcepti ita fit necessarium, vt sine aliquo contemptu interpretatio & vilipendio auctoritatis Superioris non possit eius executio prætermitti. Sicut cum Deus aliquid reuelat, illud obiectum ita fit necessarium ad credendum, vt sine iniuria aliqua primè veritatis, eius fides non possit prætermitti. Itaque quia teneor vitare illam iniuriam Superioris, tenor non omittere sed exequi opus præceptum; & hoc debitū voco rationem formalem *obiecti quod.* Poteſt etiam dici, rationem *obiecti quod* esse specialē illam honestatem, quam accipit ex eo quod sit præceptum auctoritate Superioris. Sicut enim ex reuelatione diuina res fit digna creditu, & necessario credenda: ita ex præcepto diuino res fit digna factu, & necessario est facienda. Auctoritas enim diuina mediante præcepto illam materiam veluti informat, & hanc dignitatem ac bonitatem tribuit. Sed hic modus parum differt à priore, immo prior videtur conformior praxi: quia etsi obedientia faciat opus, quia dignum est fieri ob præceptum Superioris; tamen non solum dignitatem illam respicit, neque ea sola mouetur, sed potissimum

mogetur necessitate; nimurum quia necessarium est factu, ne Superioris auctoritas violetur. Deinde de ratione precepti est, vt non solum faciat opus dignum factu ob diuinam auctoritatem, sed etiam necessarium: alioquin non tam erit præceptum, de cuius ratione est inducere obligationem, quam consilium. *Ratio obiectua in obiecto cui,* est auctoritas seu potestas Superioris. Ideo enim Superior obediendum, quia Superior est, & potestate regendi predictus: sicut idem credendum Deo, quia prima veritas est.

Hinc patet, primam rationem formalem obiectum in hac virtute esse *Ius & potestate regendi,* seu *Ius imperandi.* circa quam potestatem considerandum *triplex radix* est, eam ex triplici radice prouenire. Primò, Ex ratione cause & effectus: causa enim naturaliter habet potestatem in effectum. hac ratione Deus potest imperare omni creatura rationali; quia ipse est auctor, & illa est opus & figuratum eius. Idem suo modo competit parentibus in filios. Secundò, Ex ratione totius & partis: pars enim naturaliter subest roti, & regitur a toto. hoc modo Res publica habet auctoritatem in singula membra. Tertiò, Ex ratione agentis, & patientis, vel instrumenti. Agentis enim est mouere patiens, & causa principialis suum instrumentum. Sic marito competit potestas in uxorem, quia naturaliter praestantior, & in illa combinatione se habet in star agentis; & domino in seruum, quia seruus est instrumentum domini. Idem dicendum de hero & famulo conductorio. Ab his mediante commissione deriuatur ad alios, qui eam ex se non habent: ex prima enim radice descendit omnis potestas Ecclesiastica, hoc est ea *Potestas Ecclesiastica.*

qua gubernat in cultu diuino, & in ordine ad vitam æternam. Nam primò à diuinitate (qua omnia potestatem in creaturas habet à se ipso ratione causa) descendit in humanitatem; idque plenissime & illimitatè, iuxta illud Matth. 28. *Data est mihi omnis potestas in celo & in terra.* A Christi humanitate proximè deriuatur ad Summū Pontificem, sicut ab Ordinario in Vicariū. Vnde in eo est tota plenitudo potestatis ecclesiastica hominibus communicata. Ab hoc descendit ulterius ad omnes Reatores ecclesiarum & Religiosarum congregationum, secundum varias restrictiones locorum, personarum, actionum. A secunda radice per commissione prouenit omnis potestas politica Imperatorum, Regum, Principum, Magistratum: & consequenter omnium eorum qui ab his auctoritatibus habent. Res publica enim libera per se & ex natura rei habet potestatem regendi sui & omnia sua membra: vnde eam potest alteri committere, sive unius, sive pluribus; idque secundum varias limitations & conditiones, prout ei expediens vi sum fuerit. Ex tercia per commissione potest deriuari aliqua potestas priuatim aliquid imperadi, & certas alias functiones. Omnis enim cui pri mariò aliqua potestas imperandi conuenit, potest dinarius *Omnis ordinarius.* eam alteri committere, & suum in ea videnta *Potest de legare.* confitetur vicarium: quia est ordinarius, cui vniuersitate conuenit posse suam potestatem delegare.

Neque his obstat quod omnis potestas dicatur esse à Deo: quia Deus est prima radix. Prouenit autem ab eo dupliciter, per positionem ordinationem, *Quonodo omnis potestas* & per naturalem institutionem rerum. Priore modo *deo.* deriuatur ab ipso tota potestas Ecclesiastica seu supernaturalis; posteriore tota potestas politica. hoc ipso enim quo fecit singulos homines sui i-

ris, & dedit inclinationem ad vitam communem & politicam; censetur etiam dedisse communitati, quæ ex singulis illis iunctis conflatur, potestatem regendi sui, & singula sua membra. Nam naturaliter ex potestate singulorum sic in societatem vita coœcumtum resultat potestas communitatis. à communitate autem vterius per commissionem derivatur ad Reges & Principes; ab his ad officiales inferiores. Hoc sensu dicitur potestas politica esse à Deo; non quod potestas Principum aut etiam Reipublicæ sit ex immediata Dei commissione, sicut potestas Summi Pontificis, ut quidam parum pertè voluerunt tueri; sed ratione institutionis naturalis socialis, conficiens unum corpus politicum. Similiter potestas patris in filium, & mariti in uxorem, est a Deo mediante institutione qua instituit procreationem liberorum, & coniugium maris & feminae. Domini in seruum est à Deo mediata auctoritate Reipublicæ qua seruitus & herilis potestas instituta; vel interueniente cessione, cum quis libertatem suam sponte in ius alterius transfert, se illi seruum vel gratis vel pretio constituendo.

Ex his perspicuum est, potestatem imperandi esse quadruplicem. Alia enim est diuina, alia humana; & hæc vel est Ecclesiastica, vel Politica, vel domestica, quibus potest vinculum voti vel iuramenti superuenire, ita ut tenearis obediare non solum lege obedientiæ, sed etiam ex voto vel iure iurando.

Dices, Si est quadruplex potestas imperandi, ergo etiam est quadruplex species obedientiæ: sicut enim potestates sunt diversæ rationis, ita etiæ affectus obediendi propter illas videtur esse diversæ rationis. nam potestas est ratio formalis in *obedientia cuius*: obedimus enim Superiori propter illam potestatem. atque diversitas obiecti formalis inducit diversitatem specificam in affectibus; ergo affectus obediendi sunt specie diversi. Confirmatur: quia velle facere opus quia id debitum auctoritati diuina, est alterius rationis, quam velle idem quia debitum auctoritatæ humanæ. Simili modo possumus ratiocinari de auctoritate Ecclesiastica & Politica.

Respondeo posset. Non esse magnu incommodeum, si vbi diversum est genus potestatis imperandi, diversa quoque specie ponatur virtus obediendi. Sed verius videtur, virtutem obediendi, qua obediatur precepto diuino, & qua humano, non esse specie distinctam, sed eiusdem rationis. quod indicat D. Bernardus Tractatus de Precepto & dispensatione, circa principium: *Sine Deus, inquit, sine homo vicarius Dei mandatum quodcumque tradiderit, pari profecto obsequendū est cura, pari renverentia deferendū, vbi tamen Deo contraria non præcipit homo.* Ratio est, quia obedientiæ non est, operari in commodum aut honore Superioris, sicut facit religio; tunc enim deberet considerare diversitatem auctoritatis, & cuique congrua deferre: fed operari in commodum proprium propter obligacionem præcepti sufficienr anætoritate impositam. Itaque respicit auctoritatem Superioris, non ut est tanta vel tanta, sed ut est sufficiens ad obligandum per præceptum. grauitas enim præcepti & obligacionis in obedientiæ functionibus non sequitur magnitudinem potestatis, sed materia præcepta. Cuius ratio vltior est, quod in omni potestate imperandi quodammodo includatur potestas diuina, à qua illa descendit, & omnem vim obligandi accipit; & in omni præcepto humano (loquor de iusto & legitima auctoritate facto) includitur

præceptum diuinum, quo præcipit Deus vt subditu suis legitimis Superioribus obtemperent, quod præceptu est Iuris diuini naturalis. Et si enim non teneamur Iure diuino ad ea quæ sunt Iuris humani, si per se considerentur, seu in sensu diuiso; tamen supposito præcepto vel Iure humano, teneamur ad ea Iure diuino in sensu composito, hoc est, si considerentur ut præcepto humano substant: quia Iure diuino iubemur implere iustum Superioris præceptum, & consequenter ipsum opus materiale, quod ipse præcepit. Itaque numquam obedimus præcepto humano, quin simul implicitè obediamus præcepto diuino: & numquam violamus præceptum humanum, quin simul violemus præceptum diuini. Vnde non minùs violatur auctoritas diuina in transgressione præcepti humani, quam in transgressione diuini; cum in humano diuinum sit inclusum. Confirmatur: quia omnis potestas obligandi in præcepto humano est ex vi præcepti diuini. Quare non est quod diuersas obedientias species pro diuersitate potestatis constituantur: quod etiam docet D. Thomas qvæst. 104. art. 2. ad 4. Quæ ibi adnotat Cajetanus, obscura sunt. Ex quibus pater, quomodo etiam in Superiori politico Deum intueri, & in eius præcepto diuimum præceptum agnoscere debeamus.

Ad argumentum in contrarium allatum patet ex dictis. Illa enim diuersitas potestatis habet se per accidens ad obedientiam, et que ratione illius extrinseca: quia obedientia in opere suo non spectat ut cuique potestati pro sua dignitate satisfaciat quasi honorem deferendo (hoc enim pertinet ad obseruantiam & religionem) sed ut præceptum Superioris impletat etiam in suum commodum, præscindendo à magnitudine potestatis à qua hoc præceptum est impositum. Accedit quod potestas suprema includatur implicitè etiam in intima; & hanc ratione utraque eamdem specie obligationem suo præcepto inducit, ut ostendum est.

Ad confirmationem. Si consideretur conditio *Dupliciter & excellentia potestatis imperantis, & opus fiat affectu illi satisfaciendi; admiseretur alia virtus, qua talis potestas honoratur; ut si obediatur mandato diuino, quia id debitum est tanta maiestati, admiseretur virtus religionis: si mandato Pontificis, quia id postulat dignitas Vicarij Christi, erit actus obseruantæ religiosæ: si mandato Principis, quia id debitum eius dignitati, erit actus obseruantæ politice. Itaque dum quis sic obediatur, duas virtutes concurrunt; virtus quidem obedientiæ, quatenus opus procedit ex affectu satisfaciendi præcepto præcisè considerato; virtus vero religionis, vel obseruantæ, quatenus simul procedit ex affectu debitum honorem & obsequium solendum tali vel tali dignitati seu excellentiæ. Confirmatur: quia dum obedio præcepto Superioris, simul honorem & obsequium ei defero: nam tali modo operandi tacite insinuo internam estimationem, quam de illius excellentia habeo, & me illi subiicio. Vnde possum id ipsum in obediendo exprefse intendere, idque iuxta conditionem potestatis cui obedio: atque hæc intentio pertinet ad virtutem qua talis potestas honoratur: ergo in tali modo obediendi illa virtus admiseretur. Infinuat hæc D. Thomas art. 3. ad 1.*

*Diximus supra, obedientiam respicere præceptum 27  
Superioris. Sed contraria facere videtur, quod Reli-  
giofus non dicatur perfectè obediens Praelato, qui  
An obedi-  
tia requi-  
rat præ-  
ceptum.*

26  
An qua-  
druplex  
obedientia.

Verius est  
esse unius  
rationis.

Potestas  
diuina in  
omni Supe-  
riore quo-  
dammodo  
repetitur.

expectat præceptum, & absque eo nihil vult facere. similiter nec seruos domino, nec filius patri, nec vxor marito: immo sancti Patres commendant maximè eam obe dientiam, quæ præceptum non expectans, ad nutum obedit, vide Basilius Constitut. Monast. c.23. & Bernardum de præcepto & dispensatione col.4. ergo obedientia non solum respicit præceptum, sed etiam nutum & inclinationem Superioris.

Obedientia  
dupliciter  
accipitur.

Nomen  
præcepti  
aliquando  
latè capi-  
tur.

Respondeo, Obedientiam sepè accipi pro virtute, quæ quis mortem gerit alteri, præterim Superiori, faciendo quod ille cupit, siue præcipiat, siue non. & hoc modo obedientia non solum respicit præceptum (nisi hoc nomen latè sumatur, ut comprehendat omne id quod Superior fieri cupit, etiam si propriè non præcipiat) sed etiam inclinationem & nutum Superioris: nam huic in bonis & adiaphoris propter Deum se accommodare, per se honestum est & laudabile. Iuxta hunc modum non dicitur perfectè obediens, qui requirit præceptum propriè dictum, sed qui statim cognita propensione Superioris, facit opus. Vnde Albertus cap.3. de Virtutibus, ait: *Verus obediens numquam præceptum expectat, sed solum voluntatem Prelati sciens vel credens, feruenter exequitur pro præcepto; exempli Domini nostri Iesu Christi, cui voluntas & complacientia Patris summum præceptum finit.* Talis obedientia maximè requiritur in Religiosis; estque necessaria non solum ad bonam & suauem gubernationem, sed etiam ad perfectionem religiosæ vitae. sicut enim valde imperfetus & reprehensibilis est Christianus, qui nihil vult facere, nisi quod Deus vel Ecclesia strictè præcepit: ita valde reprehensibilis est Religiosus, qui Superiori aut Regulis se non accommodat, nisi interueniat tali præceptum. ratio est, quia Superior locum Dei tenet, eique loco Dei inferior se subiecit. Itaque in illo Deum intueri debet, eiusque vocē tamquam Dei vocem accipere, iuxta illud Lucae 10. *Qui vos audist, me audit;* quod præclarè docet D. Bernardus lib. de Præcepto & dispensatione col.6. Sicut ergo si à Christo visibiliter regretur, eius voluntati morem gerere deberet, etiam absque præcepto; (id enim perfectio charitatis & religionis, ad quam Religiosus aspirat, postularer) ita morem gerere debet voluntati Superioris, qui Christi locum tenet, & eius præceptum nomine.

28  
Cuius vir-  
tus opus  
fit.

Petes, Ad quam virtutem pertinet iste obediendi modus? non enim ad virtutem obedientiae strictè acceptæ; quia non interuenit strictum præceptum.  
Respondeo, Pertinere ad virtutem illam, quæ generatim & vulgo obedientia dicuntur, cuius ratio præcisè in eo consistit, quod quis se voluntati Superioris in operando accommodet, siue præcipiat, siue non: hoc enim per se peculiarem honesti rationem & laudem habet. potest etiam esse actus imperatus religionis, charitatis, & aliarum virtutum. Si enim obtemperes Superiori ex reverentia erga Christum, cuius ille est vicarius, erit actus Religionis: si autem quia Christus gratum, erit actus charitatis. Pari modo, si facias ex reverentia erga Prælatum, erit actus obseruantie: si quia illi gratum est, erit amicitia seu benevolentia. vide Gregorium lib.4. exposit. in 1. lib. Regum, cap.10. Secundum tamen modum loquendi S. Scriptura & sanctorum Patrum, propriè virtus obedientiae

est, quando quis ex animo præstat quod Superior mandat, siue mandatum obliget, siue non obliget; siue id faciat ex reverentia Superioris, siue ex reverentia Christi quem in Superiori inquietur, siue ut Deo placeat, siue ut seipsum suosque affectus morilicet. Simili modo dicitur quis temperans, abstinentis, paciens, qui actus externos illarum virtutum præstat, ex quoquinque honesto affectu id fiat. Non enim ex interno affectu, sed ex materia & opere externo virtutes distinguunt: quod valde notandum.

## DUBITATIO V.

*Quæ conditiones in obedientia, præsertim religiosa, maximè commendentur.*

R Espondeo, Tres potissimum, cœcitatem, promptitudinem fortitudinem: obedientia enim perfecta debet esse cœca, prompta, & fortis.

Cœca dupliciter, Primo, Ad imperfectiones & via Superioris, ut hæc non consideret, nec ob hæc minus ad obediendum parata sit, sed solum consideret eum, cuius locū tenet: ad hunc enim quā maximè oculatam esse decet. monet hoc Dominus Matth. 23. Super cathedram Moysi federunt Scribe & Pharise; omnia ergo quecumque discerint vobis servate & facite; secundum vero opera illorum nolite facere, & Apostolus ad Ephes. 6. Servi obediunt dominis carnalibus cum timore & tremore, in simplicitate cordis vestri, sicut Christo: non ad oculum servientes, &c. multò ergo magis hoc requiritur in Religiosis respectu suorum Prelatorum.

Secundo, Debet esse cœca ad rationes præcepti scrutandas, nempe vt non velit scire causas cur quid præcipiat; sed satis ei sit præcipi vel proponi ab eo qui locum Dei tenet, nec constet per se esse illicitum. hanc conditionem maximè commendant Patres, Basilius Constitut. Monastic. capite 23. *Quemadmodum pastori suo oves obtemperant, & viam quamcumque ille vult, ingrediuntur; sic qui ex Deo pietatis cultores sunt, moderatoribus suis obsequi debent, nihil omnino illorum iussa curiositas perscrutantes, quando libera sunt à peccato.* Dénide docet, Religiosos debere se gerere sicut instrumentum in manu artificis, quod sine repugnancia ferunt ei ad omnia ad quæ voluerit. Cassianus de Institut. renuntiantur lib.4. cap.4. *Quartum hoc præ omnibus excole, ut studium te secundum Apostoli sententiam facias in hoc mundo, ut sis sapiens nihil scilicet discernes, nihil diuidicans ex his quæ tibi fuerint imperata; sed cum omni simplicitate & fide obedientiam semper exhibeas, illud tantummodo sanctum, illud utilile, illud sapiens esse iudicans, quidquid tibi vel lex Dei, vel Superiora examen indicaret. Et cap.10. loquens de Monachis Ægypti: Vniuersa completere Superiori, quæ fuerint ab eo præcepta, tamquam si à Deo sint esse, illius edita, sine villa disputatione festinant. D. Greg. 1.2. cap.4. in 1. Regum: Vera obedientia nec Præceptorum intentionem discutit, nec præcepta discernit: quia qui omne vitæ sua iudicium maiori subdividit, in hoc solo gaudet, si quod sibi præcipiat, operatur: nec si enim iudicari, qui quis perfectè didicerit obediere. D. Bernard. 1. de Præcept. & dispensatione col. 6. Sive Deus, sive homo vicarius Dei mandatum quodcumq; tradiderit, pari perfecto obsequendum est curia, pari reverentie deferendum, ubi tamen Deo con-*